

ՄԻԱՄՆԱԿԱՆ ՔՆՆՈՒԹՅՈՒՆ

2025

ՀՈՒՆՎԱՐ - ՓԵՏՐՎԱՐ

ՀԱՅՈՑ ԼԵԶՈՒ ԵՎ ՀԱՅ ԳՐԱԿԱՆՈՒԹՅՈՒՆ

ԹԵՍՏ 2

Խմբի համարը

Նստարանի համարը

Հարգելի՛ դիմորդ

Խորհուրդ ենք տալիս առաջադրանքները կատարել ըստ հերթականության: Ուշադիր կարդա՛ յուրաքանչյուր առաջադրանք: Եթե չի հաջողվում որևէ առաջադրանքի անմիջապես պատասխանել, ժամանակը խնայելու նպատակով կարող ես դրան անդրադառնալ ավելի ուշ:

Թեստ-գրքույկի էջերի դատարկ մասերը կարելի է օգտագործել սևագրության համար:

Ուշադիր եղի՛ր պատասխանների ձևաթուղթը լրացնելիս.

- ընտրովի պատասխանով առաջադրանքներում քո ընտրած տարբերակի համարին համապատասխանող վանդակում դի՛ր X նշանը (միևնույն սյունակի մեկից ավելի վանդակներում ցանկացած նշում կհամարվի սխալ),
- 33-38-րդ և 67-69-րդ առաջադրանքներում՝ յուրաքանչյուր առաջադրանքի համապատասխան համարների տակ, դի՛ր X նշաններ:

Մաղթում ենք հաջողություն:

Ա մակարդակ

1 Ռ՞ր շարքի բոլոր բառերի բաց թողած տեղում է գրվում փակագծերում նշված տառը:

- 1) որևից-, հյուլ-, առ-ջ, առօր-ական (ե)
- 2) հա-շտապ, պա-ակ, անթացու-, ս-րդել (պ)
- 3) ըն-արմանալ, լեր-անալ, որ-նել, ար-մնի (դ)
- 4) թր-ոց, զի-ել, գո-ի, հաղար- (ջ)

2 Ռ՞ր շարքի բոլոր բառերում է տառերի և հնչյունների քանակը հավասար:

- 1) անորոշ, հայորդի, վարագառք
- 2) ովքեր, ցածրորակ, կտակարան
- 3) ապերջանիկ, կայսերապաշտ, պելվարս
- 4) անընկեր, ակնբախ, բարձրանալ

3 Ռ՞ր շարքի բաղադրյալ հատուկ անունների բոլոր բաղադրիչներն են գրվում մեծատառով:

- 1) ԱՖՂԱՆՍՏԱՆԻ ԻՍԼԱՄԱԿԱՆ ԷՄԻՐԱՏԻՅՈՒՆ, ԱՐԱԳԱԾՈՏՆԻ ՄԱՐԶ, ԳՈՆԻ ՌՈՍՏՈՎ
- 2) ԱՐԵՎԵԼՅԱՆ ԵՓՐԱՏ, ԳՐԻԳՈՐ ԼՈՒՍԱՎՈՐԻՉ, ԺԱՆՆԱ ԳԸ ԱՐԿ
- 3) ԱՇՈՏ ԲԱԳԲԱՏՈՒՆԻ, ԼԱ ՄԱՆՇ, ՀԻՆ ՀՈՒՆԱՍՏԱՆ
- 4) ՋՈՐՋ ԳՈՐԳՈՆ ԲԱՅՐՈՆ, ՄԵԾ ՄԱՍԻՍ, ԵՍԱՅԻ ՄԱՐԳԱՐԵ

4 Ռ՞ր շարքի *ոչ* բոլոր բառերում է(ե) ձայնավորի հնչյունափոխություն կա:

- 1) իշայծյամ, միգամած, գիսավոր, շիկակարմիր
- 2) իջևանատուն, կիզանուտ, գիշակեր, իզական
- 3) շինական, գիրուկ, հանդիսատես, տիրուհի
- 4) վիրահատել, հրձիգ, կիսանդրի, գիտակցաբար

5 Ռ՞ր շարքի բոլոր բառերում է գաղտնավանկի ը-ն սխալ տեղադրված (տվյալ տեղում գաղտնավանկ չկա):

- 1) խճճ(ը)վել, քն(ը)նել, խմբ(ը)վել
- 2) դռն(ը)բաց, տրտ(ը)մել, չընկ(ը)րկել
- 3) փրկ(ը)վել, կնճ(ը)ռոտ, կն(ը)կատի
- 4) համ(ը)րանալ, հանգց(ը)նել, խառ(ը)նվածք

6 Ռ՞ր դարձվածքի բացատրությունն է սխալ:

- 1) *մի սանրի կտավ* –միևնույն գործին նվիրված
- 2) *ուրիշի երգը երգել* –սեփական կարծիք չունենալով՝ ուրիշինը կրկնել
- 3) *ձեռքը բռնել* –արգելել, թույլ չտալ որևէ բան անել
- 4) *ջուրը զցել* –անօգուտ վատնել

7 Ո՞ր շարքի բոլոր բառերն են կազմությամբ պարզ:

- 1) վախճան, սխտոր, գլխարկ
- 2) գավաթ, նախիր, կոճակ
- 3) եղջյուր, խախուտ, պատվեր
- 4) խավար, կատակ, առաջ

8 Ո՞ր շարքի բոլոր բառերն ընդհանուր արմատ ունեն:

- 1) տարուբերում, տարբեր, մարդատար
- 2) սնամեջ, սնապարծ, սնոտի
- 3) գաղտնածածուկ, ծխածածկույթ, ծակուծուկ
- 4) ծառաբուն, բնույթ, բնավեր

9 Ո՞ր շարքի բոլոր բառերը թավ գրված բառի (բառաձևի) հետ բառակապակցություն կազմելիս կարտահայտեն միայն փոխաբերական իմաստ:

- 1) *խոսք* - թթու, կցկտուր, մահացու
- 2) *գիշեր* - մահահոտ, ամենակուլ, դավաճան
- 3) *ուռի* - ամոթխած, սաղարթախիտ, վարսաթափ
- 4) *աչքեր* - կրակոտ, ծով, նշաձև

10 Ո՞ր շարքի բոլոր բառերն են բարդածանցավոր:

- 1) ատամնաբուժարան, արձակագիր, մանկաբարձուհի, սերտաճում
- 2) պատմավեպ, հայրենանվեր, մատնահետք, սրտմտանք
- 3) տնտեսվարություն, ազատամարտիկ, պատվարժան, չվացուցակ
- 4) վերնախավ, դպրոցահասակ, բարեկեցիկ, քարանձավ

11 Ո՞ր շարքում ածանցավոր բայ *չկա*:

- 1) սահմանագատել, կարկաչել, տեսնել, մթագնել
- 2) խթանել, փայլփլել, շրջապատել, բռնել
- 3) կանչել, դիպչել, կարոտել, կանգնել
- 4) կառչել, պոկոտել, մատնել, վրդովել

12 Ո՞ր նախադասության մեջ սահմանական եղանակի բայ կա:

- 1) Լինել այնպես, որ քայլեր իր հայրենի դաշտերով ու ծաղիկների մեջ գլուխը թաղած՝ իր վերջին շունչը տար:
- 2) Մի՛ կարծիր, թե ահա այս գառիվերը կանցնես, քո վագրը կհեշտանա, էլ հետ չես նայի ու չես տեսնի նրան քո հետևից նայելիս:
- 3) Նա այլևս ոչ մի գիշեր դուրս չէր գա, որպեսզի չհանդիպեր այդ խորհրդավոր անձանոթին:
- 4) Մի մարդ խանութ ուներ և գիտեր՝ դրանով կվաստակի իր օրվա ապրուստը:

13 Ո՞ր շարքի բոլոր բառերի հոգնակի թիվն է կազմվում *-եր* վերջավորությամբ:

- 1) տեսաշար, ծաղկանախշ, շարասյուն, ճամփեզր
- 2) օրինագիծ, ժանր, թագակիր, խաչքար
- 3) հավատարմագիր, մարգատոն, ուղեցույց, հիվանդայց
- 4) մենապար, մեկնակետ, գիսաստղ, ձկնկուլ

14 Ո՞ր նախադասության մեջ ենթակայական դերքայ կա:

- 1) Գետը վարարել էր ու իր հորձանքի մեջ առած ջրլող թռչունների երամը՝ շառաչյունով հոսում էր:
- 2) Հրավիրեցին բոլորին՝ դերասանների, լրագրողների, պաշտոնաթող գեներալների, իսկ իրեն մոռացան:
- 3) Առանց Թորիկի հետ խորհրդակցելու՝ նա մտավ մսագործ Ասատուրի, պատշար Օղասաբի, հացագործ Միմոնի տները և բոլորից էլ մերժողական պատասխան ստացավ:
- 4) Հին ու հրաշալի մի արվեստ էր հառնում պատմության թրթռացող մշուշներից:

15 Ո՞ր նախադասության մեջ դերանուն չկա:

- 1) Մայրը, վերջալույսի արևի շողերից աչքերը ձեռքով ծածկելով, նայում էր կածանի կեռումնեռ պտույտին և սպասում, թե երբ են երևալու հարսն ու աղջիկը:
- 2) Արշակը սպարապետի հետ գնում է՝ շրջելու Շապուհի ախոռներում. այնտեղ պահվում էին ցեղական հազվագյուտ նժույզներ:
- 3) Այսօր բաց էին պատուհանների սպակե փեղկերը, և փողոցի տոթն առատորեն լցվում էր ներս:
- 4) Թագավորը տագնապած ու հուզախռով հայտնում է բոլորին, որ խուճապի մեջ շքնկնեն և սպասեն նոր լուրերի:

16 Ո՞ր նախադասությունը միակազմ չէ:

- 1) Բարելավել վերահսկողական աշխատանքները:
- 2) Տեսա երագ մի վառ, Ոսկի մի դուռ տեսա:
- 3) Ըստ ժողովրդական խոսքի՝ խելոքին՝ գերի, անգետին՝ ոչ սիրելի:
- 4) Մթնշաղ է. անձրևում է միալար:

17 Ո՞ր նախադասության մեջ ստորակետ պիտի դրվի:

- 1) Ձորի բերանին կտրուկ գառնիթափի տակ էր կանգնած եղբայրը գայլի համար լարված թակարող ձեռքին:
- 2) Հողը չոր ու տեղ-տեղ ճաքճքած ագահորեն ներքաշում էր ջուրը:
- 3) Պատերազմը նոր էր վերջացել կամ դեռ չէր վերջացել հոր հագին բանակային շինել էր:
- 4) Հայրը երբ էր հնձել լանջի այդ խոտհարքը տղան չէր կարողանում հիշել:


18 Ո՞ր նախադասության մեջ հիմունքի պարագա չկա:

- 1) Մեծ երգահանի կերպարը իր՝ Սևակի վկայությամբ վաղուց է եղել բանաստեղծի ստեղծագործական որոնումների կենտրոնում:
- 2) Քրմապետի խորհրդով նա որդուն տարավ աստվածների դուռը:
- 3) Մենակություն բառից դողում է օդն իմ սենյակի, Ու ես հասկանում եմ, Որ աչքերն են մարդու ամենաթաց տեղը:
- 4) Բաբելոնի գարդը կախովի այգիներն էին, որոնք, ըստ հույն պատմիչ Հերոդոտոսի, հիմնվել էին թագավորի սիրելի կնոջ համար:

19 Պարզ (դերբայական դարձվածով) նախադասություններից ո՞րն է ճիշտ փոխակերպված բարդի:

- 1) *Աղջիկը պարտեզ մտնելուն պես վազում էր դեպի ծաղկանոցը:*
Հենց որ աղջիկը պարտեզ էր մտնում, վազում էր դեպի ծաղկանոցը:
- 2) *Դվինի ողջ ժողովուրդը անհամբեր սպասում էր թագավորի՝ ապարանքից ելնելուն:*
Դվինի ողջ ժողովուրդը անհամբեր սպասում էր թագավորին, որ ելնելու էր ապարանքից:
- 3) *Աշոտ թագավորի հաղթանակները ոգևորեցին իշխաններին միմյանց միջև եղած գժտությունները մոռանալ տալու աստիճան:*
Աշոտ թագավորի հաղթանակներն այնքան ոգևորեցին իշխաններին, որ մոռանալ տվեցին միմյանց միջև եղած գժտությունները:
- 4) *Էթնայի ստորոտում ապաստանած Կատանիա քաղաքը հայտնի է իր բնակիչների դյուրաբորբոք բնավորությամբ:*
Էթնայի ստորոտում ապաստանած Կատանիա քաղաքը հայտնի է նրանով, որ իր բնակիչները դյուրաբորբոք բնավորություն ունեն:

20 Ո՞ր նախադասությունն է համապատասխանում տրված գծապատկերին:



- 1) Նա պետք է որ ինձ ճանաչեր դեմքով և, բացի այդ, եթե նույնիսկ չճանաչեր, երբ մարդ տեսնում է մեկ ուրիշի՝ իրեն մոտենալը, պարտավոր է նրան գեթ սպասել:
- 2) Ես տեսել եմ այն նկարը, որում սուրբ Թովմասը մատը դրել է Քրիստոսի վերքի վրա, և հաճախ մտածել եմ այն մասին, որ սերը Աստծու նկատմամբ մարդու ունեցած հավատի հետ համեմատելու դեպքում կարող եմ ասել, որ նման եմ այդ սրբին:
- 3) Ես դողում էի այն մտքից, որ չլինի թե նրա մեջ դեռ պահպանված լինի նախկին վախը, և նկատում էի, որ իմ մեջ կատարվող փոփոխությունները կարող էին նրան կասկածամիտ դարձրած լինել, փոխել հիմնովին:
- 4) Ես չէի կարողանում ուշադրությունս կենտրոնացնել՝ տեսնելու, թե ինչ է կատարվում բեմի վրա և սրահում. այնքան վշտացած էի, որ, այսպես ասած, ապրում էի միայն ինձնով, և արտաքին աշխարհը չէր ազդում զգայարաններիս վրա:

21 Ո՞ր տարբերակում անճնավորում կա:

- 1) Մանկության երկինքն էր բացվել վրաս,
Եվ արշալույսներ կային իմ հոգում:
- 2) Այն գիշերն է, այն հուշերն են տրտմաշուք,
Այն աստղերն են ցուրտ երկնքում երագում:
- 3) Հրա՛շք աղջիկ, գիշերների՛ թագուհի,
Ճառագայթող քո աչքերով դու եկար:
- 4) Երազի նման գիշեր է այսօր,
Ու ձյուն է գալիս երազի նման.
Ճերմակ են դարձել դաշտերը բոլոր.
Մարմարե գիշեր՝ անեզր, անսահման:

22

Նախադասությունները նշող թվերի դասավորության ո՞ր տարբերակն է համապատասխանում տեքստի տրամաբանական և քերականական ճիշտ կառուցվածքին:

1. Կենդանատեսակների դասերի ամբողջական պատկերը ներկայացնելու համար կենսաբանները դրանցում ընդգրկում են նաև իրենց հայտնի անհետացած տեսակները, որոնց թվերը խիստ մոտավոր են:
2. Բանն այն է, որ երբեմն բնաջնջվում են ոչ միայն առանձին տեսակներ, այլև ամբողջական ընտանիքներ, նրանց հետքերն անգամ վերանում են. դրան հակառակ՝ զարգացման անընդհատ գործընթացում շարունակ առաջանում են նոր տեսակներ ու ցեղատեսակներ:
3. Կենդանական աշխարհը չափազանց բազմազան է, և դժվար թե մեկը կարողանա հաշվել բոլոր տեսակների ճշգրիտ թիվը և ահա թե ինչու:
4. Կենսաբաններին հայտնի է, որ նոր տեսակների առաջացումը նույնքան տարածված է, որքան որոշ կենդանատեսակների վերացումը, իսկ նոր տեսակների հաշվումը ևս խիստ բարդ գործընթաց է:

- 1) 3, 2, 1, 4
- 2) 4, 3, 1, 2
- 3) 3, 1, 2, 4
- 4) 4, 1, 3, 2

23

Ո՞ր նախադասության մեջ դերանունով արտահայտված որոշիչ չկա:

- 1) Մանդուղքի վրա լավեց վերև բարձրացող ինչ-որ մարդու ոտքերի ձայնը:
- 2) Հնդկեղեգի հիմքի հաստությունը սովորաբար 30 սմ-ից չի անցնում, սակայն որոշ հնդկեղեգներ աճում և հասնում են մինչև 40 մ բարձրության:
- 3) Գիտնականները հաշվի առան և այն հանգամանքը, որ Եգիպտոսում գինին համարվել է բացառիկ ըմպելիք:
- 4) Մեզ հաճելի է դիտել, թե ինչպես ջրածուտերը թռչում են փրփուրի վրայով:

24

Ո՞ր նախադասության մեջ ներգործող խնդիր կա:

- 1) Ի՞նչ է պահանջվում գյուղի ղեկավարությունից. պահանջվում է, որ թույլ տան ձի պահել:
- 2) Երբ հոգնում էին օրվա հոգսերից, Փաթաթվում էին մի կաթիլ մութով, Երկինքներն էին մտնում երազի Եվ հատիկ-հատիկ աստղ էին ուտում:
- 3) Ժայռերի սովերոտ կողերը մամուռով են պատված. ջրերը թռչում են վերև, հասնում նրանց:
- 4) Անուշ բույրերով հագեցած թմրաբեր օղից նա քայլում էր հաճելի մի գլխապտույտով:

25

Գ. Չոհրապի նովելների վերաբերյալ պնդումներից որո՞ւմ սխալ չկա:

- 1) Հուսեփ աղան մի օր դուրս է գալիս տնից և անհայտ կորչում քաղաքից՝ աղջիկներին թողնելով ծայրահեղ աղքատության մեջ: («Ճիտին պարտքը»)
- 2) Չարդարը, հույսը կտրելով Մարտիրոսի վերադարձից, այլևս երբեք չի գնում այն արտը, որտեղից ճանապարհել էր ամուսնուն: («Այրին»)
- 3) Պերճուհին վերադարձնում է Հակոբոսի նշանը և դառնում սևազգեստ և չամուսնացող աղջիկ: («Այրինկա»)
- 4) Չարուղունը գողություն է անում՝ ապրուստի միջոց հայթայթելու նպատակով: («Չարուղուն»)

26 Ե. Չարենցի ո՞ր ստեղծագործությունից է տրված հատվածը:

*Այդ բոլոր մարդիկ իմ մահվան բոթից,
Որպես ընդհանուր աղետից սարսած՝
Չարմացած կզգան ինձ այնքա՛ն մոտիկ
Եվ հանկարծ այնքա՛ն թանկ ու հարազատ:*

- 1) «Մահվան տեսիլ»
- 2) «Տաղ անձնական»
- 3) «Դ-անթեական առասպել»
- 4) «Անվերնագիր»

27 Ա. Բակունցի ո՞ր ստեղծագործությունից է տրված հատվածը:

«Այդ ամենը կատարվեց մի վայրկյանում: Հաջորդ վայրկյանին մարդը գազազած արջի նման ոստյուն արեց, նրա մազոտ ձեռքերը սեղմեցին ծանր մահակը, և մահակը անասելի թափով իջավ կնոջ թիկունքին»:

- 1) «Միրհավ»
- 2) «Խոնարհ աղջիկը»
- 3) «Մթնածոր»
- 4) «Ալպիական մանուշակ»

28 Տրված հատվածներից ո՞րն է Վ. Տերյանի «Fatum» բանաստեղծությունից:

- 1) Այնպես գզվող է երեկոն անափ,
Ծաղիկներն այնպես նազով են փակվում:
- 2) Անունդ թող փարոս լինի ինձ
Սուտ կյանքի և դառը մահու դեմ:
- 3) Թող կիտվի խավարն ավելի խրթին,
Եվ չարխինդ ճնշե հողն իմ արյունոտ:
- 4) Իջնում է նա հուշիկ, որպես իրիկուն,
Օղակելով լույս աստղերը մեկմեկու:

29 Ո՞ր հատվածը Հ. Թումանյանի «Թմկաբերդի առումը» պոեմից չէ:

- 1) Աշխարհքում հաստատ չկա ոչ մի բան,
Ու մի՛ հավատալ երբեք ոչ մեկին.
Ոչ բախտի, փառքի, ոչ մեծ հաղթության,
Ոչ սիրած կնկա տված բաժակին:
- 2) Խարխուլ մակույկով հանձնվիր ծովին, քան թե հավատա կնոջ երդումին.
Նա՛ կավատ, վարար, մի չքնաղ դժոխք, նրա բերանով Իբլիսն է խոսում:
- 3) Ու կովի դաշտում Շահի առաջին
Արին մի անգամ գովքը սիրունի.
Նրան՝ իր տեսքով, հասակով, ասին,
Չի հասնի չքնաղ հուրին Իրանի:
- 4) Պտույտ է գալի ծաղիկ տիրուհին,
Անցնում է, հսկում սեղաններն ամեն,
Հորդորում, խնդրում, որ ուրախ լինին,
Որ լիքն ու առատ բաժակներ քամեն:

30 Պնդումներից ո՞րն է սխալ «Մասնա ծոեր» էպոսի («Մասունցի Դավիթ» համահավաք բնագիր) վերաբերյալ:

- 1) Փոքր Սիերը, տեսնելով, որ մի թուխմորուս մարդ իր ձիու վրա մի երիտասարդ աղջիկ է տանում, գայրանում է, կռվում նրա հետ, ինչի պատճառով էլ հոր անեծքով մնում է անմահ ու անժառանգ:
- 2) Մինչև Խանդութի հետ ամուսնանալը Դավիթը նշանվում է Չմշկիկ Մուլթանի հետ, ումից ծնված աղջիկն էլ հետագայում թունավոր նետով սպանում է հորը՝ Դավթին:
- 3) Փոքր Սիերը չի կարողանում սպանել Չմշկիկ Մուլթանին՝ հոր վրեժը լուծելու համար, այդ պատճառով փակվում է Ագռավաքարում:
- 4) Հեռանալով Բաղդադից՝ իրենց ճանապարհին Սանասարն ու Բաղդասարը տեսնում են մի բարակ, բայց գորեղ առու, որի ակունքի մոտ իրենց համար ամբողջ են կառուցում:

31 Հ. Պարոնյանի «Մեծապատիվ մուրացկանները» վեպի ո՞ր հերոսի խոսքն է.

«Կար ժամանակ մը, ուր խավարը լուստ դեմ կը կռվեր, տգիտությունը գիտության դեմ, անցյալն ապառնիին դեմ, հրամայականը սահմանականին դեմ, սուրը գրիչի դեմ, ատելությունը սիրո դեմ, կրակը ջուրին դեմ, միսը բանջարեղենին դեմ»:

- 1) քահանայի
- 2) լուսանկարչի
- 3) խմբագրի
- 4) բանաստեղծի

32 Ո՞ր տողն է Նահապետ Քուչակի «Ես աչք ու դու լոյս, հոգի» հայրենից:

- 1) Ժամ-ժամ զիմ դարիպութիւնս Ես յիշեմ ու նստիմ ու լամ
- 2) Երբ զիս ի քենէ գատեն, քան զմեռնելն այլ ճար չի լինի
- 3) Ապա յիմ սրտէս ի դուրս՝ յերկրրէ յերկիր թափեցաւ
- 4) Թուխ ամպն այլ բամպակ արէ՛ք, ի ծաւէն դերձան քաշեցէ՛ք

33 Ո՞ր բառերի բաց թողած տեղում է կրկնակ բաղաձայն գրվում:

1. խճու-ի, 2. հետաք-ին, 3. եր-ենցադ, 4. հո-եկ, 5. ու-ալար, 6. հակըն-եմ, 7. տա-ալուծել, 8. անդր-ագիր

34 Ո՞ր բառերն ունեն մեկից ավելի ածանց:

1. ուսուցիչ, 2. բամբակենի, 3. առգրավում, 4. անհիշելի, 5. միջնորմ, 6. վարչական, 7. գիտնական, 8. ապուշություն

35 Ո՞ր նախադասություններում շաղկապ չկա (նախադասությունները կետադրված չեն):

1. Վաղուց ոչնչից չեմ դժգոհում այլ համակերպվում եմ ամենքի հետ:
2. Նա նկատեց որ մեծ գրողի ասածները հիշում են բոլորը:
3. Մտածում էր ուր գնա ում դիմի այդ խնդրանքով:
4. Յուրաքանչյուր ոք կարող է կասկածել սակայն երբեք չհերքել ուրիշներին:
5. Ուշադիր զննեց արկղի պարունակությունը նախքան սենյակից դուրս գալը:

36 Ո՞ր նախադասություններում քաղաղրյալ ժամանակաձև կա:

1. Իհարկե, կոշիկն ու արվեստի ստեղծագործությունները տարբեր են, բայց պետք է համոզված լինես, որ բարձրարժեք աշխատանքները երբևէ չեն կորչի:
2. Վարդանը սենյակի աջ անկյունում ծնկի իջավ՝ բարձրաձայն աղոթելով:
3. Սի՛ կանչեք ինձ, հույսի նոր Խոսքերով ինձ մի՛ դյուքեք:
4. Այդ խաղատունն է նրան շեղել ճիշտ ճանապարհից:
5. Նա արագ դուրս եկավ քաղաքից՝ քայլելով դեպի դաշտերը տանող խորհուրդով ճանապարհով:

37 Ո՞ր նախադասություններում անջատման անուղղակի խնդիր կա:

1. Աչքդ միշտ կուշտ կմնա, Հոգիդ՝ գոհ քեզ հասած քչից:
2. Ոչ մի ժանիք ինձ չի բաժանի իմ անդուլ դարից:
3. Փոքրահասակներից մի քանիսը, որոնք սովորում էին դպրոցում, զոգնոցով իրենց դեմքը ծածկեցին և պահվեցին ինձանից:
4. Քույր ու եղբայր պատուհանից նայում էին հարևան աղյուսե տան խուլ պարապույթյանը:
5. Առավոտյան զինվորները սպանում են պահակազորին, բացում երկաթից դարպասները:
6. Վանքի պարիսպներից դուրս կառուցված այդ շինությունը ճանապարհորդների օթևանն էր:

38 Ո՞ր նախադասություններում կետադրական սխալ կա:

1. Լրտեսը՝ խորհրդավոր ուղեկիցը, քարակարկառի արանքից դուրս պրծնելով՝ փախավ դեպի շամբուտը:
2. Թեև թագուհին խնամում էր նրան ամենաքնքրույ հոգածությամբ, և վիրաբույժը կրկնապատկում էր իր ճիգ ու ջանքերը, այնուամենայնիվ արդյունքը հուսադրական չէր:
3. Ես՝ համաձայն մեր նախնական պայմանավորվածության, կմեկնեմ հաջորդ առավոտյան:
4. Թագավորն էր. հրեղեն ձին նստած, ահագին փայլուն թուրը քաշած՝ եկավ և խրոխտ կանգնեց դաշտի մեջտեղում:
5. Ադամը ծանր ու հաստատուն քայլերով հետևում էր նրան՝ աչքերը չհեռացնելով նրա՝ բոցերի պես ծփծփացող մազերից:

39 Բառերից քանիստ՞ն սղում կա:

ծաղկաշղթա, հոգյակ, գլխավոր, այգեպան, փախստական, գերություն, ոսկերիգ, վայրկենական

40 Տրված բառերից քանիսի՞ արմատներից ոչ մեկին չի կարող միանալ -ում վերջածանցը և բառ կազմել առանց 2-րդ ածանցի:

հրահրիչ, սրտահույզ, երկնաձիգ, մարգահագուստ, թաղապետարան, երկրաշարժ, բազկաթոռ, դրդապատճառ

41 Տրված բառաշարքում ինքը բառի քանի՞ բառաձև կա:

ինքնիրեն, իրենով, նրան, իր, ինքնին, ինքնուրույն, իրենցից, ինքնակամ

42 Նախադասություններից քանիստ՞ում է ընդգծվածը ենթակա:

- Եվ դու ինչո՞ւ չես հարցնում, Թե քո անունն ի՞նչ գույն ունի:
- Եկել են, մեր ինչքո փախցրել, Մեզ վրա ծախել են մեր իրը:
- Իմ բաժին աշխարհն այս մեծ աշխարհում Կերգի շուտով երգն իր կարապի:
- Բանաստեղծությունն, դու պիտի փրկվես Անճարակության համաճարակից:
- Նրանք, որ իմ հացով մեծացան, Չեն ներում դեռ մեղքերս:

43 Նախադասություններից քանիսի՞ ղիմաց է սխալ նշված, թե որ հայերենով է այն:

- Դըռանս առջև կը նըստիմ միշտ տըխրալիր, Լուր կ'ուզեմ վրադ ամեն կռունկէ՝ որ կ'անցնի: - *արևմտահայերեն*
- Դու տեր համորեն երկնի և երկրի, Իսկ ես չեմ իշխում շնչիս ու հոգուս: - *գրաբար*
- Չիմ եարն ամանաթ կու տամ. ի վարդին մեջն պահեցէք. Թէ երթամ ու շուտով դառնամ, զամանաթս ի տէր հասուցէք: - *միջին հայերեն*
- Ընդ եղեգան փող ծո՛ւխ ելաներ, Ընդ եղեգան փող բո՛ց ելաներ, Եւ ի բոցոյն վազեր խարտեաշ պատանեկիկ: - *գրաբար*
- Ո՛հ, իմ սիրտը կտրատվում է՝ Տեսանելով այսպես սեր Դեպի թշվառ մի հայրենիք, Որ ոտնակոխ եղած էր: - *արևելահայերեն*

44 Նախադասություններից քանիստ՞ում ձևի պարագա կա:

- Նրա նժույզը դանդաղ գնում էր դեպի ճամբար, որտեղ տեղավորված էր Հռոմի մոտակայքում գտնվող հավաքակալանը:
- Նժույզն իր տիրոջ հետ այնքան էր անցել այդ ուղին, որ անսխալ գիտեր ճանապարհը:
- Յենտուրիոնները անցուդարձ անելով մտահոգ մտահոգ զրուցում էին:
- Բուռուր խանդաղատանք էր ապրում այդ տեսարաններից և շնչում ռազմական ճամբարի առնական սուր հոտը:
- Նա ուղևորվեց այնտեղ, ուր ծածանվում էր կապույտ դրոշը. դա հեծյալների ճամբարն էր:

45 Տրված 6 պնդումներից յուրաքանչյուրի համար ընտրել *ճիշտ է, Սխալ է, Չգիտեմ* տարբերակներից որևէ մեկը:

1. Բոլոր հոլովվող որոշյալ դերանունները ենթարկվում են գոյականական *ի* հոլովման:
2. Երկբաղադրիչ բարդ ստորադասական նախադասություններում հարաբերական դերանունը լինում է կա՛ն գերադաս, կա՛ն ստորադաս բաղադրիչում:
3. Բոլոր ցուցական դերանունները հոլովվում են գոյականից տարբեր ձևով:
4. *Ես, դու, նա, ինքը* դերանունները եզակի թվում ունեն ձևով միմյանցից տարբերվող սեռական և տրական հոլովաձևեր:
5. *Ով* դերանվան միայն եզակի թիվը հոլովաձևեր ունի:
6. Ոչ բոլոր փոխադարձ դերանուններն են հոլովվում:

Բ մակարդակ

46 Ո՞ր նախադասության մեջ ուղղագրական սխալ ունեցող բառ կա:

- 1) Ներքնակողմում պատերը տամկացել էին կտուրի կաթելուց, ողջ մթնոլորտը հագեցած էր պատերի, հատակի և առաստաղի մզվածությամբ:
- 2) Հաղթող գահակալի շքախումբը քաղաքամայր հասավ, երբ գարունն արդեն արքունք էր ապրում:
- 3) Երկար ժամանակ Հեփեստոսն իր սրտում անտեղված էր պահում իր մոր հանդեպ տածած ցասումը:
- 4) Հեռուներում նիրհող բարձրաբերձ լեռների շարքում միայն Մասիսի վեհաշուք կատարն էր անհաղորդ տապին:

47 Ո՞ր շարքի բոլոր բառերն են իրար հոմանիշ:

- 1) համայն, ամենայն, ամբողջ, բովանդակ
- 2) չարախոսել, նախատել, գրպարտել, բանասարկել
- 3) դանդաղ, ծանր, անշտապ, անգայթ
- 4) խանդաղատանք, փաղաքշանք, գորովանք, սեթևեթանք

48 Ո՞ր շարքի բոլոր բառերում *ու*-ի հնչյունափոխություն կա:

- 1) փշածառ, արևմտյան, ընչացք, ձվածեղ
- 2) ընդեղեն, սնգույր, անգթություն, անրջանք
- 3) հնչակ, մտածել, կատվառյուծ, ըմպան
- 4) լրագիր, առևտրական, ընչաքաղց, ջրառատ

49 Ո՞ր տարբերակում բառի սխալ բացատրություն չկա:

- 1) **մեղանչել**–մեղք գործել, **դիպակ**–որևէ ստեղծագործության հատված
- 2) **ադորիք**–հացահատիկ աղալու մեքենա, **նյութել**–որևէ դավանության հետևել
- 3) **երկնուղեշ**–դեպի երկինք ձգվող ճյուղերով, **մորի**–մորենու պտուղը
- 4) **խայտաբղետ**–զանազան գույներից բաղկացած, **ճրագալույց**–ճրագները հանգցնելը

50 Ո՞ր շարքի բոլոր բառերում մեկից ավելի արմատ կա:

- 1) շրջակա, վրեժխնդիր, որմնասյուն, եռաժանի
- 2) նյութապաշտ, հագարաբույր, ներաշխարհ, հուշարար
- 3) հողմահաված, տրամադիր, տիկին, ջերմաչափ
- 4) հարկատու, մարդախույս, դավանափոխ, գերակշիռ

51 Ո՞ր նախադասության մեջ հարադիր բայ չկա:

- 1) Ջանք է անում ամեն մինը՝ Շուտով տանի, տիրանա:
- 2) Հայրը նստած նայում էր նրան և խնդում ուրախությունից, որ մեռակ չմնաց:
- 3) Կանգ առ, հողագործ, Քո պտույտի մեջ, Թող մայրամուտը մի քիչ երկարի:
- 4) Ամպերը դարձել գթության բույրեր, Ջրվեժի վրա ջուր են շաղ տալիս, Որ ուշքի բերեն:

52 Ո՞ր շարքի բոլոր բառազույգերն են կազմված հականիշներից:

- 1) երբեք–միշտ, լայն–անձուկ, հավերժ–անընդհատ
- 2) գժտվել–հաշտվել, չափավոր–ծայրահեղ, չքմեղ–անաչառ
- 3) կշտամբել–զանահարել, իրազեկ–անտեղյակ, բացասում–հաստատում
- 4) երաշտային–անձրևային, առատածեռն–զծուծ, ըմբոստ–հնազանդ

53 Ո՞ր շարքի բոլոր բառերն են կապեր կամ կապական բառեր:

- 1) առանց, դեպի, միայն, չափ
- 2) շուրջ, մոտ, ապա, ի փառս
- 3) ըստ, շնորհիվ, բացի, համար
- 4) մասին, նման, այսինքն, վրա

54 Ո՞ր նախադասության մեջ անորոշ դերբայ չկա:

- 1) Այդ մասին անպայման պետք է հայտնել սպարապետին:
- 2) Նա հավատարիմ էր մնացել իր ամենօրյա սովորությանը՝ թեյի ժամանակ լրագիր կարդալուն:
- 3) Այդ հովտի առվից ջուր խմելու էին գալիս եղնիկներ, ուլեր ու գառներ:
- 4) Մեր դժվարն էլ ինքնիրեն է լինելու, ու քո հեշտն էլ մի պատճառ է հնարելու, որ չլինի:

55 Ո՞ր նախադասության մեջ մակբայ չկա:

- 1) Անդրեյը որոշեց, որ Լիզան այդ գիշերն էլ կանցկացնի նույն սենյակում:
- 2) Իշխան Անդրեյը համբուրեց քրոջը և ասաց, որ նա լացկան է, ինչպես առաջ:
- 3) Նա պատմում է իրեն պատահած դեպքի մասին և անմիջապես հայտնում, որ իր բոլոր զգեստները թողել է Պետերբուրգում:
- 4) Նա պնդում էր, որ Անդրեյը միանգամայն փոխվել է, դարձել անճանաչելի, տարօրինակ կերպով ծերացել:

56 Ո՞ր շարքում են միայն ապառնի ժամանակի բայաձևեր:

- 1) բարձրանամ, չես մոռանա, չունեմ
- 2) մի՛ լարվիր, դառնամ, չանցնենք
- 3) ցանկանք, մոտեցի՛ր, վազելու էինք
- 4) կերգենք, չխնայեի, չենք վանելու

57 Ո՞ր տարբերակում նախադասության անդամի ձևաբանական վերլուծության սխալ չկա:

Շատ տարիներ են անցել այն օրից. այժմ իմ արածն ինձ որոշ չափով արկածախնդրություն է թվում, և ես գրականության մեջ գտել եմ իմ նշանաբանը:

- 1) **տարիներ** – *ի* հոլովման գոյական, **այժմ** – ժամանակի մակբայ
- 2) **գրականության** – *ա* ներքին հոլովման գոյական, **գտել եմ** – պարզ բայ
- 3) **իմ** – անձնական դերանուն, սեռական հոլով, **թվում է** – անկատար ներկա, չեզոք սեռ
- 4) **արածն** – հարակատար դերբայ, որոշյալ առում, **որոշ** – որոշյալ դերանուն

58 Ո՞ր նախադասության մեջ և՛ չեզոք, և՛ ներգործական սեռի բայեր կան:

- 1) Նա ստույգ փաստեր ուներ, որ պարսիկները գալիս են մեծ բանակով և հիմա հասել են դաշտի արևելյան կողմը:
- 2) Կեսգիշերից անց էր արդեն, երբ վրանի շուրջը ամենքը ննջում էին. անգամ պահակներից ոմանք հենվել էին նիզակներին:
- 3) Երևում էին նաև վրանների շուրջը անցուդարձող պահակներ՝ գորշավուն վերարկուները հագներին:
- 4) Այդ ստեղծագործությունը բեմականացնելու իմ մտադրությունն իրագործելու համար ինձ բացառիկ պայմաններ էին տրամադրել:

59 Ո՞ր բարդ նախադասության մեջ ուղիղ խնդիր ստորադաս նախադասություն կա:

- 1) Մինչև վերջին րոպեն միամիտ ծերունին հավատում էր, որ մի օր պատասխանը գալու է:
- 2) Ես չէի կարծում, որ այսքան ծանր կտանեն մեր բաժանումը:
- 3) Այդպես էլ չիմացվեց, թե ինչ եղավ Եգոր Ադամովը:
- 4) Եվ Միմոնին թվաց, թե իրենց տնից տանում են ոչ թե մի ձի, այլ իր եղբորը:

60 Ո՞ր նախադասության մեջ բութ պիտի դրվի (նախադասությունները կետադրված չեն):

- 1) Օրիորդը ազահորեն ու կլանված լսում էր մարմինը փշաքաղող դյուրիչ նվագը որ պատանի երաժիշտը հնչեցնում էր ջութակի լարերով ինչպես քչքչալով դուրս է հոսում պաղպաջուն ջուրը աղբյուրի ակունքից:
- 2) Նրա առաջ ծառացել էին լուրջ խնդիրներ պետք է բնակարան գտներ նաև աշխատանքի մասին պիտի հոգար:
- 3) Դարյա Ալեքսեևնան նա շատ անհանգիստ և դյուրագգաց կին էր նույնպես գայրացավ այդ տեսարանից:
- 4) Բանաստեղծի բնակարանի ընդարձակ պատշգամբը կախված Թիֆլիսի բուսաբանական այգու գեղատեսիլ համայնապատկերի վրա հյուրերի գվարթ հավաքությունների մշտական վայրն էր:

61 Ո՞ր տարբերակում է ընդգծվածը գերադաս նախադասություն:

- 1) Ցուլակը տնքում էր, պոչն ուժգին խփում այս ու այն կողմ, գավակն աջ ու ձախ դարձնում, բայց ոչինչ չէր օգնում:
- 2) Մի վայրկյան թվում է՝ խորհրդավոր այս կերտվածքը իսկույն ևեթ լեզու է առնելու:
- 3) Յոթանասուն տարեկանի մոտ մարդ է նա, հնարել է տարբեր գործիքներ, որոնք բոլորն էլ օգտակար են:
- 4) Հենց այդ ժամանակ լրացավ իմ յոթ տարին, և բոլորը միանգամից գլխի ընկան, որ ես մեծ մարդ եմ դառնալու:

62 Ո՞ր տարբերակում նշված տեսակի ստորոգյալ չկա:

- 1) Խավարն է գերել մեր հոգին այսօր, Եվ լռությունը՝ հավետ մահապարտ: (*պարզ ստորոգյալ*)
- 2) Դուրս եմ գալիս ես, լուռ թափառում, Մեզն է գրկում ինձ, հողմը՝ օրորում: (*բաղադրյալ ստորոգյալ*)
- 3) Պայծառ աշխարհում կլինենք մենակ, Յավ կյանքի մեռնող լույսերից խաբված: (*բաղադրյալ ստորոգյալ*)
- 4) Ու իբր ասում է՝ վեր կաց, իմ հրեշտակ, Թող որ սպանեն ես էդ հրեշին: (*պարզ ստորոգյալ*)

63 Ո՞ր նախադասության մեջ դերբայական դարձված կա:

- 1) Մայրը ցնցվելով ընթանում էր խորդուբորդ ճանապարհով:
- 2) Ծառերի ճյուղերը գալարվելով փակում էին մարդկանց ճանապարհը:
- 3) Նա կարող էր տիկնոջ արտաքինի մասին ավելի սիրալիք արտահայտվել:
- 4) Նա զագագած շուռ եկավ և անմիջապես անհետացավ:

64 Ո՞ր նախադասությունն է քարդ համադասական:

- 1) Հին գեներրի՝ տեգերի, աղեղների և գրահների տեղ զինապահեստներում շողշողում էին ծիրանը, դեղձը, նուռը և խաղողը:
- 2) Ժամանակի ընթացքում ռազմական նպատակների համար կառուցված ամրոցը, որի պատերի մի մասը ավերվել էր բնական երկրաշարժերից, վերածվել էր շուկայի և ընդարձակ պահեստների:
- 3) Հին գետի ափերով հարավի արեգակի շողով ու բույրով գալիս էին ուղտերի քարավանները՝ բերելով հարավի քաղցրությունն ու գույնը:
- 4) Իսկ հիմա ահա կանգնել ես ինձ մոտ Ու նախատում ես ժպիտով տխուր:

65 Բերված հատվածը միջնադարյան ո՞ր առակից է:

«Ամբողջ աշխարհի բարեկեցությունն եմ ես, որովհետև ես եմ վաստակում, չարչարվում ու հոգնում, և ապա դու և քո թագավորն ուտում եք: Եթե ես չվաստակեմ, դու և քո թագավորն իսկույն կմեռնենք»:

- 1) «Եզր և ձին»
- 2) «Աստղեր և լուսին»
- 3) «Ոսկի և ցորեն»
- 4) «Այրի կինն ու իշխանը»

66 Գ. Գեմիրճյանի «Վարդանանք»-ում ո՞վ է դիմում Վասակ Սյունուն՝ ասելով.

«Ստրկության ուղիներո՞վ ես ազգը տանում ոգեկան ազատության ու պետության: Ազատության ոչնչացման՞ըր ազատություն: Ունա՞յն է հույսդ, և իզուր՞ ջանքերդ»:

- 1) Ներշապուհ Արծրունին
- 2) Վարդան Մամիկոնյանը
- 3) Վահան Ամատունին
- 4) Մովսես Խորենացին

67 Ո՞ր նախադասություններում սխալ բայածև կա:

1. Շուտով հայերը տնկեցին թթենի, նռնենի, նշենի, աճեցրին մրգեր ու բանջարեղեն և ցանեցին տեսակ-տեսակ կանաչիներ:
2. Այսպիսի սրտմաշուկ խոհերով համակված՝ մի ժամանակ ես էլ խորհում էի տնից փախնելու, ազգանունս փոխելու մասին:
3. Իզուր մի՛ մտահոգվիր. քեզ թողող չկա, որ կեսգիշերին տուն գնաս:
4. Գլխի ահավոր ցավը փոքր-ինչ թուլացել էր և հիմա միայն ժամանակ առ ժամանակ էր հիշացնում իր գոյությունը:
5. Հենց նորություն ունենամ, կկապնվեմ քեզ հետ և կհայտնեմ մանրամասները:

Եզիպտոսի Լուքսոր քաղաքի մոտ գտնվում է Արքաների հովիտը՝ մեծ և նշանավոր փարավոնների դամբարանատեղին: Այստեղ է նաև Թութանհամոնի դամբարանը, որը, հակառակ նրա, որ պատկանում է բոլորից կարճ իշխած և փառահեղ գործերով աչքի չընկած փարավոնի, ամենանշանավորն է, քանի որ ամենալավն է պահպանվել:

1922 թ. անգլիացի հնագետ Հովարդ Քարտերի գլխավորությամբ Եզիպտոսում՝ Նեղոսի ձախ ափին, երկարատև որոնումներից հետո գետնի տակից լույս աշխարհի հանվեց Թութանհամոնի քարակույ դամբարանը: Հնագետը տեսականորեն հաստատել էր դրա գոյությունը, սակայն դամբարանը չէր հայտնաբերվում: Երբ ամեն ինչ հիմնովին ստուգելուց հետո Քարտերը հուսահատվեց և որոշեց դադարեցնել աշխատանքները, հանկարծ բանվորներից մեկը հանդիպեց մի քարե աստիճանի, և պարզվեց, որ իրենք գտնվում են ստորերկրյա դամբարանի քողարկված մուտքի մոտ: Առաջնային մաքրումից հետո բացվեց մի սրբատաշ պատ՝ լավ պահպանված պատկերներով: Դա դամբարանի մուտքն էր՝ կնքված ամենանշանավոր փարավոնների կնիքներով և Եզիպտոսը թշնամիներից պաշտպանող Անյուրիս կոչվող շան դիմապատկերով:

Գերեզմանը ծածկող արվեստի գործերը այնքան շատ էին, որ դրանք ցուցակագրելու և Կահիրեի եզիպտական թանգարան տեղափոխելու համար պահանջվեց տասը տարի: Բանն այն է, որ ի տարբերություն շատ այլ փարավոնների դամբարանների՝ այս մեկը նախորդ դարերում չէր հայտնաբերվել Եզիպտոսի բնակիչների կողմից ու չէր թալանվել: Թութանհամոնի ոսկե դիմակը համաշխարհային ճանաչում ստացավ՝ որպես Հին Եզիպտոսի խորհրդանիշ:

Ճակատագրի հեզնանքով Թութանհամոնը իրականում եղել է Եզիպտոսի առավել նվազ կարևորություն ունեցող փարավոններից մեկը, սակայն մահվանից հետո դարձել է ամենանշանավորներից մեկը: Նա փարավոն դարձավ ինը տարեկանում և կառավարեց ընդամենը ինը տարի: Շատ հավանական է, որ նրա օրոք իրականացված այնպիսի կարևոր գործողություններ, ինչպիսիք են եզիպտական աստվածների պանթեոնի ստեղծումը և բազմաթիվ տաճարների կառուցումը, նախաձեռնվել է ոչ թե Թութանհամոնի, այլ նրա խորհրդատուների կողմից:

1. Թութանհամոնի կառավարման շրջանում Եզիպտոսը հարստացել է մի շարք ճարտարապետական կոթողներով, որոնցից բոլորը, բացի աստվածների պանթեոնից, կառուցվել են նրա նախաձեռնությամբ:
2. Թութանհամոնի դամբարանի գանձերը պահվում են Լուքսորի մոտ գտնվող Արքաների հովտում:
3. Դամբարանի մուտքը հայտնաբերվեց շնորհիվ նրա, որ բանվորներից մեկը նկատեց Անյուրիս կոչվող շան դիմապատկերը:
4. Թութանհամոնի՝ Եզիպտոսի ամենահայտնի փարավոններից մեկը դառնալը պայմանավորված է ոչ թե նրա գործունեությամբ, այլ ուրիշ հանգամանքներով:
5. Թութանհամոնի դամբարանը փնտրելիս Քարտերը որոշել էր դադարեցնել աշխատանքները, սակայն մի պատահականություն օգնեց դամբարանը գտնելուն:

69

Նախադասության անդամների շարահյուսական վերլուծության տարբերակներից որոնցում սխալ կա:

Գարդանա իշխանը՝ Սևադան, խորագին հայացքը ուղղեց իր հոգու ներսը, որպեսզի այնտեղ փնտրի Մարգարետունու խորհրդավոր ակնարկի պատասխանը, սակայն ավելի վայելուչ համարեց լռելը:

1. պատասխանը-ենթակա
2. լռելը – ուղիղ խնդիր
3. Սևադան-ենթակա
4. խորագին – ձևի պարագա
5. իր – հատկացուցիչ
6. հոգու ներսը – տեղի պարագա

70

Տրված 6 պնդումներից յուրաքանչյուրի համար ընտրել *Ճիշտ է, Միայլ է, Չգիտեմ* տարբերակներից որևէ մեկը:

1. Պարզ համառոտ նախադասության մեջ բացի գլխավոր անդամներից որևէ ուրիշ բառ չի կարող լինել:
2. Հետևյալը բարդ նախադասություն է. *«Դալուկ դաշտեր, մերկ անտառ, մահացողի տխուր կյանք»:*
3. Բարդ նախադասության բաղադրիչ նախադասություններից մեկում ենթական և ստորոգյալը միաժամանակ կարող են զեղչված լինել:
4. *«Աշուն էր՝ տերևաթափով, արևի նվազ ջերմությամբ»* նախադասությունը անդամ է:
5. Ե՛վ ենթակա, և՛ ստորոգյալ ունեցող նախադասությունները լիակազմ են:
6. Անդամ նախադասությունները, ըստ գերադաս անդամի խոսքիմասային պատկանելության, լինում են երկու տեսակի՝ բայական և անվանական: